



Bernardo Astiazaranen gorpuari harrera egiteko jende ugari bildu zen Hernanin.

GILLENEA

Astiazaranen gorpua udaletxean jarri zuten debekua egon arren

Esku artean zuen lehergailua kilo bat bolboraz osatua zegoen

Herenegun bere autoan bonba bat manipulatzan ari zenean lehergailuak eztanda egin ondoren hildako Bernardo Astiazaranen gorpua Hernaniko udaletxean jarri zuten atzo Jose Antonio Rekondo alkateak baimenik ez eman arren. Gaur arratsaldean izango dira Hernanin Astiazaranen hiletak eta omenaldia.

HERNANI

Jende multzo handia bildu zen atzo eguerdian Hernanin Astiazaranen gorpuari harrera egiteko. Zinkuenea plazatik udaletxera eramane zuten eta bertako areto nagusia jarri zuten atea hautsi ondoren.

Hernaniko alkateak debekatu egin zuen Astiazaranen gorpua udaletxean jartzea, eta bilkura aretoa itxita aurkitu zuten bertara hurbildu zirenek. Hala ere atea suntsitu ondoren herenegun hildako gaztearen gorpua bertara sartzea lortu zuten.

Gipuzkoako herri horretako dendek ez zituzten ateak zabaldu atzo, eta arratsaldean ospatzekoa zen kaldereroen jaitsiera bertan behera utzi zuten.

Gaur arratsaldeko 4.30etan Astiazaranen hileta elizkizunak egingo dira Hernanin, eta honen ostean KASEk antolatutako omenaldia eskainiko zaio herenegun hildakoari.

Xabier Alegria KASEko bozeramaileak Astiazaranen heriotzaz hitz egiterakoan adierazi zuen askatasun eza eta bere etorkizuna libreki erabakitzeko ahalmena ukatzen dioten estatu espainol eta frantsesaren indarrez-

ko ezarketa da heriotz berri honen eragilea».

KASEko bozeramailearen esanetan, «argi utzi nahi dugu Bernardo eta bera bezala azkenaraino konprometitzen direnak ditugula bakegileak, askatasunean oinarritzen den bakearen alde bizia ere emateko prest direnak».

Eusko Abertzale Ekintzak —EAE-ANV (b)— ere «euskal arazoaren inguruan ematen diren heriotza guztien erantzuleak Espainia eta Frantzia estatuen jarraia antidemokratikoak eta zapaltzaileak» direla agertu zuen. Alderdi abertzaleak agertu zuenez, «gero eta gehiago dira borroka armatuaren bidea aukeratzen duten abertzaleak, hau beste bide

baketsuen itxiera eta bi estatuen errepresio eta zapalketa mota guztien areagotzearen aurreko erantzuteko modua baitute».

KILO BAT BOLBORA

Bernardo Astiazaranen heriotza eragin zuen lehergailua kilo bat bolboraz osatua zegoela jakinarazi zuen bestalde Eusko Jaurlaritzako Barne Sailak. Honekin batera bere autoan lehergailuarekin erabiltzeko iratzargailu elektriko bat aurkitu zutela azaldu zuen. Astiazaran seguru aski ETaren talde laguntzaile bateko kidea zela azaldu zuen atzo Ertzaintzak. Bere etxea maitu eta leherkariak aurkitu zituen Ertzaintzak.

Leherketa bat izan zen atzo Renfek Irunen duen bulegoan

DONOSTIA

Lehergailu batek eztanda egin zuen atzo goizaldean Renfe enpresak Irunen duen bulegoetan, kalte material txikiak eraginez. Gipuzkoako Gobernu Zibilak jakinarazi zuenez, etxean egindako lehergailua bi kanpingas bonbonaz eta errekin likidoz beteriko botila batez osatua zegoen, eta Barne Bidaietarako Nazioarteko Agentziaren ate aurrean jarri zuten.

Lehergailuak eztanda egin baino lehenago, pertsona batek Donostiako DYARA deitu zuen Renfek Irunen duen tren geltokian lehergailu batek eztanda egingo zuela iragarritz. Hala ere hau ez zen horrela gertatu, eta leherketa Nazioarteko Agentziako bulegoetan izan zen.

Atentatuak bulegoetako horma, leiho eta ateetan kalte mate-

rial txikiak eragin zituela jakinarazi zuen baita ere Gobernu Zibilak.

Elgoibarren bestalde, lagun batzuek su eman zieten Foru Plazako bi telefono kabinari. Ertzaintzak sutea emendatu zuen baina bi telefonoak suntsituak izan ziren. Honekin batera Gipuzkoako herri honetan Telefonica enpresako auto bat erre zutela jakinarazi zuen Ertzaintzak.

Atzo goizaldean Donostian ezezagun batzuek 'Sintel' enpresako furgoneta bat erre zutela ere jakinarazi zuten hiriburuko suhiltzaileek. Goizaldeko 4.15 inguruan Bidebieta-La Paz auzoko Julio Urkijo kalean erre zuten Telefonicarentzat lan egiten duen 'Sintel' enpresako autoa. Honen ondorioz, furgonetak motorean eta aurreko aldean kalte larriak izan zituela esan zuten suhiltzaileek.

Hiru errefuxiatu estraditatzea erabaki du Uruguayko Justiziak

MONTEVIDEO

Uruguayn espetxeratuak dauden hiru euskal errefuxiatu Espainiara estraditatzea erabaki zuen herenegun Hego Amerikako nazio honetako Justiziak. Maria Rosario Delgado Iriondo, Jesus Mari Goitia Untzuruntzaga eta Miguel Ibañez Oteiza 1992. urteko maiatzaren 15ean atxilotu zituen Polizia uruguayarrak.

Alfredo Gomez Tedeschi epaileak hartu zuen hiru euskal presoak estraditatzeko erabakia, Espainiako Gobernuak egindako eskakizunari erantzunez. Datorren asteazkenera arte izango dute presoan abokatuek eta fiskalak nahi dituzten errekursoak aurkezteko aukera. Tedeschi epaileak adierazi zuenez, lege bide hauek erabiltzen ez badiara, ostegunean aurreko ebazpena martxan jarriko da, eta hiru presoak Espainiara estraditatzeko bidea zabalik egongo da.

ESTRADIZIO PROZESU LUZEA

Dena den, hiru presoak estraditatu edo askatu baino lehen denbora luze

joango dela azaldu zuen epaileak. Abokatuek egin ditzaketan errekursoak Apelazio Epaitegira iritsiko dira, eta lau hilabete inguru pasa beharko dira erabaki berri bat ezagutu arte. Honen ondoren inkonstituzionaltasun errekursoak aurkezteka ere posible izango da, eta Justiziako Gorte Gorenak erabaki beharko du.

Hilketa, atentatua, lapurreta, lesioak, bahiketa, talde armatuko eta gaizkile elkarteko partaide izatea eta lehergailuak edukitzea egozten dizkiete Madrileko agintariek Montevideon atxiloturiko hiru euskal herritarrei. 'La Trainera' jatetxeko operazioan atxilotutako bost pertsona lau hilabeteren buruan aske utzi zituen Uruguayko Justiziak, Espainiako Gobernuak beraien estradizioa eskatu ez zuela ikusi eta gero.

Beste lau estradizio eskakizun ez direla onartu jakinarazi zuen halaber Tedeschi epaileak, eta beste batzuk oraindik aztertzen ari direla. Ustez ETako partaide diren beste bost presoan eztradioa eskatu zuen Espainiako Gobernuak era berean.

Marcos Merinok zer kontatzerik izango duela dio Mendizabalek

BARAKALDO

Juan Maria Mendizabal Barakaldoko zinegotzi ohiak «ustekabeak» iragarri ditu Max Center-eko ustelkeria kasuan. EAEko Auzitegi Nagusiko Fiskaltzak salaketa judiziala aurkezteka erabaki zuen herenegun, eta deklarazioa hartuko die Menbizabali berari eta Floreal Crespo PSE-PSOEko kide ohiari.

«Esanguratsua da deklaratzera deitu duten pertsonen artean lau sozialistak izatea eta bakar bat jeltzalea», esan zuen Mendizabalek. Marcos Merino PSE-PSOEko idazkari nagusiordeak deklaratzera joan beharko duela eta, «zantalzarik gabe zer kontatzerik izango du», esan zuen Mendizabalek. «Nik ez dut aipatu, deklaratzera badoa ez da nikitik izango», gaineratu zuen.

Egunkaria

IRAKURLEGO

ZABALENA ZURE

EUSKARAZKO

IRAGARKIARENTZAT

(943) 46 90 22

Egunkaria



BERGARAKO UDALA

BERGARAKO UDALTZAINGOAREN OHARRA

Udaletxeko obrak direla eta, suerta daitezkeen arriskuak sahisteko, datorren astelehenean (otsailak 8) aurrera, Artekale kalea (San Pedroko elizatik aurrera) itxita egongo da trafikoarentzat, berau lbargarai ibilbidetik desbideratu delarik.

Jarritako seinaleak errespetatzeko eskatzen zaizue, aldaketa honek sor ditzakeen eragozpenak barkatuz. Mila esker.